



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-3431-1/23
Sarajevo, 07.04.2023. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“, broj 35/05), člana 3 i 4 Odluke o proglašenju boračkih udruženja, organizacija i saveza od posebnog interesa za Kanton Sarajevo („Službene novine Kantona Sarajevo“, broj 02/23), člana 11. Instrukcije o podnošenju zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanja sredstava i druga značajna pitanja za udruženja, organizacije i saveze od posebnog interesa za Kanton Sarajevo („Službene novine Kantona Sarajevo“, broj 12/23), te Obavještenja za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo za 2023. godinu broj: 06-02-3431/23 od 09.03.2023. godine, ministar za boračka pitanja donosi

ODLUKU

o akontativnom finansiranju rada/projekta kantonalnih boračkih udruženja članova Koordinacionog odbora boračkih organizacija Kantona Sarajevo od interesa za boračku populaciju Kantona Sarajevo po Obavještenju za 2023. godinu

I

Odobravaju se isplata akontativnih sredstva za finansiranje/sufinansiranje programa i projekata kantonalnih boračkih udruženja članova Koordinacionog odbora boračkih organizacija Kantona Sarajevo na osnovu podnesenog zahtjeva po Obavještenju za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo za 2023. godinu prijave kako slijedi:

R.br.	Udruženje	Odobreni iznos
1.	Udruženje Organizacija porodica šehida i poginulih boraca Kantona Sarajevo	33.000,00 KM
2.	Udruženje Savez ratnih vojnih invalida Kantona Sarajevo	33.000,00 KM
3.	Udruženje Jedinствена organizacija boraca “Unija veterana” Kantona Sarajevo	33.000,00 KM
4.	Savez udruženja antifašista i boraca narodno-oslobodilačkog rata u Kantonu Sarajevo	8.750,00 KM
5.	Udruženje ratnih vojnih invalida paraplegičara Kantona Sarajevo	16.250,00 KM
6.	Savez udruženja dobitnika najvećih ratnih priznanja “Zlatni ljiljan” i “Zlatna policijska značka” Kantona Sarajevo	25.000,00 KM
7.	Udruženje Organizatora otpora, veterana rata, dobrovoljaca, prvoboraca i branioca “Bosnae-Zelene beretke” Kantona Sarajevo	15.000,00 KM
8.	Udruženje veterana Odreda policije “Bosna” Kantona Sarajevo	8.750,00 KM
9.	Savez udruženja boraca “Patriotska liga” Kantona Sarajevo	15.000,00 KM

II

Sredstva iz tačke I predstavljaju 3/12 iznosa koji su bili odobreni i isplaćeni pobrojanim udruženjima Odlukom o odobravanju sredstava za finansiranje/sufinansiranje programa i projekata kantonalnih boračkih udruženja članova Koordinacionog odbora boračkih organizacija Kantona Sarajevo od interesa za boračku populaciju Kantona Sarajevo za 2022. godinu broj: 06-11-11200-6/22 od 13.05.2022. godine.

Sredstva se odobravaju za realizaciju neophodnih troškova rada/projekata koji se realizuju u kontinuitetu (Rad kancelarije/rad sa članstvom, Obilježavanje značajnih datuma i slično).

III

Sredstva iz tačke I. ove odluke terete zbirnu poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN030 „Realizacija projekata od interesa za boračku populaciju u saradnji sa neprofitnim organizacijama“ (program DAN0302 „Udruženja građana - boračka udruženja finansiranje/sufinansiranje programa i projekata“). program „Udruženja građana - boračka udruženja finansiranje/sufinansiranje programa i projekata“, a uplatit će se na račun navedenih udruženja jednokratno.

IV

Sredstva iz tačke 1. odluke se doznačavaju uz potpisivanje ugovora o akontativnom finansiranju/sufinansiranju programa i projekata kantonalnih boračkih udruženja članova Koordinacionog odbora boračkih organizacija Kantona Sarajevo, kojim su definisani elementni bitni za realizaciju, izvještavanje, nadzor i druga pitanja i navedena udruženja su ih dužna utrošiti u skladu sa ovom Odlukom, potpisanim ugovorima, te u skladu sa pozitivnim propisima iz ove oblasti.

V

Odluka o odobravanju sredstava sa odgovarajućim iznosima za 2023. godini će biti donošena po okončanju procedure obrade dostavljenih zahtjeva i Programa utroška i uključiće sredstva iz tačke 1. Odluke. Po donošenju odluke sa udruženjima će biti potpisani odgovarajući ugovor.

VI

Nadzor nad utroškom doznačenih sredstava iz tačke 1. dispozitiva ove Odluke kontinuirano vrši Ministarstvo za boračka pitanja Kantona Sarajevo.

Obrazloženje:

Odlukom o proglašenju boračkih udruženja, organizacija i saveza od posebnog interesa za Kanton Sarajevo („Službene novine Kantona Sarajevo“, broj 02/23) proglašena su udruženja, organizacije i savezi od posebnog interesa za Kanton Sarajevo članice Koordinacionog odbora boračkih organizacija Kantona Sarajevo:

- a) Udruženje Jedinstvena organizacija boraca "Unija Veterana" Kanton Sarajevo,
- b) Udruženje Organizacija porodica šehida i poginulih boraca Kantona Sarajevo,
- c) Udruženje "Savez ratnih vojnih invalida Kantona Sarajevo",
- d) Savez udruženja boraca "Patriotska liga" Kantona Sarajevo,
- e) Savez udruženja dobitnika najvećih ratnih priznanja "Zlatni ljiljan" i "Zlatna policijska značka" Kantona Sarajevo,
- f) Udruženje Organizatora otpora, Veterana rata, Dobrovoljaca, Prvoboraca i Branioca "Bosnae-Zelene beretke" Kantona Sarajevo

- g) Udruženje ratnih vojnih invalida paraplegičara Kantona Sarajevo,
- h) Savez udruženja antifašista i boraca Narodnooslobodilačkog rata u Kantonu Sarajevo i
- i) Udruženje veterana Odreda policije "Bosna" Kantona Sarajevo.

Odlukom je propisano da se djelatnosti navedenih udruženja finansiraju/sufinansiraju se iz Budžeta Kantona Sarajevo, da udruženja predaju svoje zahtjeve za finansiranje/sufinansiranje aktivnosti/programa/projekata Ministarstvu za boračka pitanja Kantona Sarajevo koje ih podržava u skladu sa odobrenim budžetom za boračka udruženja, odnosno za realizaciju projekata od interesa za boračku populaciju u saradnji sa neprofitnim organizacijama, kao i da Ministarstvo za boračka pitanja donosi posebnu instrukciju kojom reguliše podnošenje zahtjeva, odobravanje sredstava, pravdanje sredstava i druga značajna pitanja za pobrojana udruženja.

Ministarstvo za boračka pitanja Kantona Sarajevo je na svojoj web stranici objavilo Obavještenje za podnošenje zahtjeva za finansiranje/sufinansiranje aktivnosti/programa/projekata udruženja, organizacija i saveza od posebnog interesa za Kanton Sarajevo za 2023. godinu broj: 06-11-3431/23 od 09.03.2023. godine. Shodno obavještenju sva navedena udruženja su podnijela svoje zahtjeve. Obzirom na period donošenja Odluke i Instrukcije, te proceduru donošenja budžeta, Obavještenje je objavljeno 10.03.2023. godine. Budžet Kantona Sarajevo je donesen 28.03.2023. godine i u fazi je izrada Programa utroška sredstava predviđenog aktuelnim Zakonom o izvršenju Budžeta Kantona Sarajevo za 2023. godinu .

Obzirom na navedeno, još uvijek nije moguće donijeti konačnu Odluku o odobravanju sredstava, a udruženja provode svoje aktivnosti od početka godine (rad kancelarije, obilježavanje datuma kako dolaze i drugo), te imaju troškove koji se akumuliraju, a koje ne mogu izmiriti.

Radi se o prvoj primjeni skupštinske Odluke, a obzirom na općenitu mogućnost da se budžet ne usvoji blagovremeno i pomenutom Instrukcijom je predviđena mogućnost da ministar može donijeti odluku o privremenom – akontativnom finansiranju rada/projekata do visine predviđene Odlukom o privremenom finansiranju i na osnovu podnesenih zahtjeva za finansiranje u tekućoj godini, a shodno odlukama iz prethodne godine.

Sva udruženja su dostavila svoje zahtjeve, a takođe su dostavile izvještaje o realizaciji sredstava odobrenih u prethodnoj godini.

Obzirom na navedeno, te kako se u Budžeta Kantona Sarajevo za 2023. godinu na odgovarajućoj budžetskoj poziciji planiraju sredstva za podršku programima i projektima nevladinog sektora (boračkih udruženja), riješeno je kao u dispozitivu Odluke.

Odluka o odobravanju projekata sa odgovarajućim iznosima za 2023. godini će biti donešena po okončanju procedure obrade dostavljenih zahtjeva i donošenja Programa utroška sredstava i uključice i ova „akontativno“ odobrena sredstva, te će udruženja biti obavezana da doznačena sredstva opravdaju u okviru odobrenih projekata.



Dostaviti:

1. Sektor za ekonomske poslove,
2. za objavu za web
3. a/a



Adresa: Reisa Džemaludina Čauševića 1, 71 000
Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

3/3

